

Broj: 01-04-6-01755-7/2020
Sarajevo, 21.9.2020. godine

Na osnovu člana 64. stav (1) tačka b) i člana 70. st. (1), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14), te člana 9. Pravilnika o uslovima i načinu korištenja e-aukcije („Službeni glasnik BiH“, broj 66/16), nakon razmatranja Preporuke Komisije za javne nabavke 01-04-6-01755-6/2020 od 14.9.2020. godine, Direktor Federalne uprave za inspeksijske poslove, u ime ugovornog organa donosi

O D L U K U
o izboru najpovoljnijeg ponuđača i dodjeli ugovora

Član 1.

Prihvata se preporuka komisije za javne nabavke broj 01-04-6-01755-6/2020 od 14.9.2020. godine, te se ugovor o nabavci usluga osiguranja opreme i namještaja Federalne uprave za inspeksijske poslove po provedenom otvorenom postupku uz primjenu e-aukcije (lot 2), dodjeljuje ponuđaču „Osiguranje AURA“ a.d. Banja Luka čija ponuda broj T-155/20 od 20.8.2020. godine je ocijenjena najpovoljnijom.

Član 2.

Ugovor sa ponuđačem „OSIGURANJE AURA“ a.d. Banja Luka, zaključit će se pod slijedećim uslovima:

- ukupna cijena ponude nakon provedenog postupka e-aukcije: 837,84 KM;
- ukupni mjesečni iznos premije za vrste osiguranja navedene u Aneksu 2-2 tenderske dokumentacije je 69,82 KM
- rok plaćanja je 30 dana od dana prijema fakture na protokol ugovornog organa u skladu sa budžetskim načinom plaćanja;
- ugovor će se zaključiti na period od 1 (jedne) godine dana od dana zaključenja ugovora;

Član 3.

U skladu sa članom 45. Zakona o javnim nabavkama BiH, ponuđač „Osiguranje AURA“ a.d. Banja Luka je dužan ugovornom organu u roku od 5 (pet) dana od dana prijema ove odluke dostaviti:

- a) uvjerenje nadležnih institucija kojim se potvrđuje da je ponuđač izmirio svoje dospjele obaveze, a koje se odnose na doprinose za penziono i invalidsko osiguranje i zdravstveno osiguranje,
- b) uvjerenje nadležnih institucija kod kojeg je registrovan ponuđač kojim se potvrđuje da ponuđač nije predmet stečajnog postupka niti pod stečajem, odnosno da nije u postupku obustavljanja djelatnosti.
- c) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza.

Dokumenti čije se dostavljanje zahtjeva prethodnim stavom ovog člana moraju biti originali ili ovjerene kopije i ne mogu biti stariji od 3 (tri) mjeseca računajući od dana dostavljanja ponude.

Ukoliko odabrani ponuđač ne dostavi naprijed tražene dokaze u ostavljenom roku, njegova ponuda će biti odbačena u skladu sa članom 45. stav (1) Zakona o javnim nabavkama BiH.

Član 4.

Ova odluka će se objaviti na web stranici Federalne uprave za inspekcijske poslove.

O b r a z l o ž e n j e

Nabavka usluga osiguranja opreme i namještaja Federalne uprave za inspekcijske poslove predviđena je Planom nabavki uprave za 2020. godinu-usluge redni broj 1b, a procijenjena vrijednost nabavke je 2.000,00 KM.

Dana 27.8.2020. godine izvršeno je objavljivanje obavještenja o nabavci na Portalu javnih nabavki, a 31.7.2020. godine u Službenom glasniku BiH broj 46/20, broj obavještenja 1292-1-2-15-3-10/20.

U terminu utvrđenom obavještenjem o javnoj nabavci i tenderskoj dokumentaciji dana 24.8.2020. godine izvršeno je javno otvaranje blagovremeno pristiglih ponuda, o čemu je sačinjen zapisnik o otvaranju ponuda broj 01-04-6-01755-2/20 koji je odmah po otvaranju ponuda ponuđačima koji su dostavili ponude otpremljen putem pošte. Na javnom otvaranju ponuda nije bio pristan niko od ovlaštenih predstavnika ponuđača, a konstatovano je da su ponude dostavili ponuđači, po cijenama datim u sljedećoj tabeli:

Naziv/ime ponuđača	Ukupna cijena ponude
„Osiguranje AURA“ a.d. Banja Luka	837,84 KM
„Sarajevo osiguranje“ d.d. Sarajevo	1.907,50 KM
„Adriatic osiguranje“ d.d. Sarajevo	1.976,98 KM

Odmah po završetku postupka javnog otvaranja ponuda komisija je izvršila analizu pristiglih ponuda provjerom sadržaja i validnosti dokumentacije koju se ponuđači dostavili, te je tom prilikom konstatovala da su svi ponuđači dostavili traženu dokumentaciju, odnosno da sa aspekta formalne ispravnosti ponuda ne postoje razlozi za odbacivanje ponude bilo kojeg od ponuđača.

Kako je prilikom javnog otvaranja ponuda konstatovano da je cijena ponude „Osiguranje AURA“ a.d. Banja Luka značajno niža od cijena koje su ponudili preostala dva ponuđača, čime su bili ispunjeni uvjeti da se shodno odredbi člana 66. Zakona o javnim nabavkama BiH i člana 17. stav (7) Uputstva za pripremu modela tenderske dokumentacije od navedenog ponuđača traži objašnjenje cijene ponude. Slijedom navedenog, komisija je dana 26.8.2020. godine ponuđaču „Osiguranje AURA“ a.d. Banja Luka uputila zahtjev za objašnjenje cijene ponude. Dana 3.9.2020. godine ponuđač „Osiguranje AURA“ a.d. Banja Luka je dostavio odgovor na zahtjev za pojašnjenje broj 09-1732-18/20 od 1.9.2020. godine.

U pojašnjenju se navodi da je cijena ponude formirana u skladu sa uslovima za osiguranje od požara i nekih drugih opasnosti „Osiguranje AURA“ a.d. Banja Luka kao i na osnovu Uslova za osiguranje od opasnosti provalne krađe i razbojništva i Tarife za osiguranje od opasnosti provalne krađe i razbojništva „Osiguranje AURA“ a.d. Banja Luka, a na osnovu tehničke specifikacije, sume osiguranja, osnovnih i dopunskih rizika i ostalih zahtjeva navedenih u tenderskoj dokumentaciji.

Također se navodi da je cijena premije osiguranja izražena u Obrascu za cijenu ponude cijena premije osiguranja za period od 12 mjeseci, da na cijenu nije dat popust niti obračunat PDV obzirom da navedeni ponuđač nije u sistemu PDV-a, te se na kraju konstatuje da je cijena formirana u potpunosti u skladu sa zahtjevima ugovornog organa iz tenderske dokumentacije.

U odnosu na dostavljeno obrazloženje komisija je zauzela jednoglasan stav da je isto prihvatljivo, te da je potrebno nastaviti postupak javne nabavke zakazivanjem e-aukcije.

Komisija je nakon utvrđivanja prednjih činjenica utvrdila termin za e-aukciju, nakon čega je ista i zakazana u skladu sa odredbom člana 4. Pravilnika o uvjetima i načinu korištenja e-aukcije za dan 11.9.2020. godine, sa početkom u 10,00 sati.

Nakon okončanog postupka e-aukcije, komisija je izvršila uvid u izvještaj o toku i završetku e-aukcije u kojem je konstatovano da je e-aukcija okončana u 10,10 sati. U Izvještaju je navedeno da od stane ponuđača nije bilo podnošenja novih ponuda.

Slijedom navedenog utvrđena je slijedeća rang lista ponuđača koji su učestvovali u postupku e-aukcije:

r.br.	Naziv ponuđača	Konačna cijena u KM bez PDV-a	Rang
1.	„OSIGURANJE AURA“ a.d. Banja Luka	837,84 KM	1
2.	„Sarajevo osiguranje“ d.d. Sarajevo	1.907,50 KM	2
3.	„Adriatic osiguranje“ d.d. Sarajevo	1.976,98 KM	3

Komisija je ocijenila da je najpovoljnija ponuda prihvatljiva sa aspekta cijene, te da je ista u granicama sredstava planiranih za predmetnu nabavku.

Slijedom prednjeg Izvještaja sačinjena je preporuka broj 01-04-6-01755-6/2020 od 14.9.2020. godine, koju je komisija dostavila direktoru uprave na razmatranje, a u kojoj se predlaže da se ugovor u skladu sa kriterijem najniža cijena tehnički zadovoljavajuće ponude dodijeli ponuđaču „Osiguranje AURA“ a.d. Banja Luka, čija ponuda je ocijenjena najpovoljnijom sa ukupnom cijenom od 837,84 KM.

Nakon razmatranja dostavljene preporuke Direktor Federalne uprave za inspekcijske poslove nije našao razloge, nepravilnosti niti propuste u radu koji bi eventualno predstavljali osnov za neprihvatanje preporuke komisije za javne nabavke, te je odlučio kao u dispozitivu.

Pouka o pravnom lijeku: Protiv ove odluke može se izjaviti žalba ugovornom organu u pismenoj formi u roku od 10 (deset) dana od dana prijema iste.


DIREKTOR
Anis Ajdinović

Dostaviti:

1. „Osiguranje AURA“ a.d. Banja Luka, Veljka Mladenovića 7d, 78000 Banja Luka
2. „Adriatic osiguranje“ d.d. Trg Međunarodnog prijateljstva 20, 71000 Sarajevo
3. „Sarajevo osiguranje“ d.d. Sarajevo, M. Tita 29, 71000 Sarajevo
4. Sektor za materijalno-finansijske poslove
5. Sektor za tehničku podršku i plansko-analitičke poslove
6. Komsija za javne nabavke (a/a).

